



OPĆINA KAKANJ

Služba za privredu, urbanizam
i zaštitu okoline

Broj: 04/1- *152* / 21

Datum: 08.11.2021. godine

MUNICIPALITY OF KAKANJ

Department of Economy, Urban Land-Use
Planning and Environment

Stručna služba za poslove Općinskog vijeća

- ovdje -

Predmet: Odgovor na vijećničko pitanje, dostavlja se

Aktom broj: 01/1-2-380/20 od 28.10.2021. godine, Služba za privredu urbanizam i zaštitu okoline Općine Kakanj zaprimila je vijećničko pitanje, vijećnice Behije Kulović (NS) koje glasi:
citat: "Kako i na osnovu čega možemo vjerodostojno prihvatiti indeks kvaliteta zraka koji se objavljuje na gradskim displejima ako se vrlo često ne mjeri prisutnost svih polutanata u zraku, posebno SO₂ i PM_{2,5}, te zašto mjerna stanica koja šalje podatke FHMZ ne šalje uvijek kompletne podatke potrebne za procjenu indeksa kvaliteta zraka i da li to znači da nije ispravna?", kraj citata.

U vezi navedenoga pitanja ovim putem Vas informišemo o sljedećem:

Podatke koje Općina Kakanj /nadležna Služba prikuplja putem mobilne stanice se putem servera direktno transferišu na server Federalnog hidrometeorološkog zavoda, kao sirovi podatci, kao i svi drugi podatci sa ostalih stanica u federaciji, što je i zakonska obaveza.

Općina Kakanj putem linka podatke o satnim vrijednostima zagađujućih materija mjerene mobilnom stanicom Općine Kakanj, preuzima sa stranice FHMZ i prezentuje putem interneta u realnom vremenu na gradskim displejima i opisno – korištenjem indeksa kvaliteta zraka, kojeg izrađuje Federalni hidrometeorološki zavod.

Općina Kakanj ima zaključen ugovor o održavanju uređaja predmetne stanice i uređaji se redovno servisiraju, te ukoliko na displejima nema podataka za neku od zagađujućih meterija, znači da je uređaj u kvaru i na servisiranju.

Napominjemo da su trenutno uređaji svi u funkciji uz napomenu da Općina Kakanj ima uređaj za mjerenje lebdećih čestica koji mjeri čestične materije promjera do 10 µm, i isti uređaj nema mogućnost mjerenja čestičnih materija promjera od 2,5 µm.

S/H

DOSTAVITI:

1 x Naslov

1 x Predmet

1x a/a



POMOĆNIK OPĆINSKOG NAČELNIKA

Mirza Fazlić
Mirza Fazlić

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
ZAVOD ZA PLANIRANJE I IZGRADNJU OPĆINE KAKANJ

Broj: 01/1-19 - 3206/21
Datum: 8.11.2021. godine


OPĆINA KAKANJ
Stručna služba za poslove Općinskog vijeća

Predmet: Odgovor na vijećničko pitanje, dostavlja se.

Na 11. sjednici Općinskog vijeća održanoj 28.10. 2021.godine, vijećnica Nerma Aliefendić (SDA) postavila je pitanje da li na području općine Kakanj postoje igrališta koja su inkluzivna, odnosno opremljena mobilijarom koji je prilagođen djeci sa poteškoćama u razvoju , te dajemo sljedeći odgovor:

Na području općine Kakanj još uvijek ne postoje ovakva igrališta, ali ovaj Zavod je mišljenja da bi bilo pozitivno izgraditi jedno ovakvo igralište ili prilagoditi neko od postojećih , npr. zamjenom dijela bilijara.

Dostavljeno:
1 x Naslovu
1x Odjeljenje za tehničke poslove
1 x a/a



DIREKTOR

Neimarlija Zijad, dipl.ing.

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
ZAVOD ZA PLANIRANJE I IZGRADNJU OPĆINE KAKANJ

Broj: 01/1-19 - 3201/21
Datum: 8.11.2021. godine

OPĆINA KAKANJ
Stručna služba za poslove Općinskog vijeća

Predmet: Odgovor na vijećničku inicijativu, dostavlja se.

Na 11. sjednici Općinskog vijeća održanoj 28.10. 2021. godine, vijećnik Branko Češljčić (NS) pokrenuo je inicijativu da se što prije popravi 40-tak rasvjetnih tijela između Čatića i Kraljeve Sutjeske, te dajemo sljedeći odgovor:

Već su dana 3.11.i 4.11. 2021.godine izvođeni radovi na popravci rasvjetne mreže na ovom lokalitetu, a biće nastavljeni i dalje u narednom periodu.

Dostavljeno:
1 x Naslovu
1x Odjeljenje za tehničke poslove
1 x a/a



DIREKTOR


Neimarlija Zijad, dipl.ing.



JAVNO PREDUZEĆE

GRIJANJE d.o.o.

KAKANJ

72240 KAKANJ-A, Izetbegovića 51.
telefon/fax ++387(0) 32/554-937
telefon/fax ++387(0) 32/554-838
e-mail: info@grijanje.co.ba
www:grijanje.co.ba

Broj rješenja: U/I2429/05 Općinski sud Zenica
Registracioni broj subjekta upisa: 1-509
Identifikacioni broj: 4218172870007
Porezni broj: 05280068

Transakcijski račun: 134 020 000000 4674 ASA Banka d.d. Sarajevo

Broj : 3070 /2021
Datum: 08.11.2021.g.

OPĆINA KAKANJ
ZENIČKO - DOBOJSKI KANTON

OPĆINA KAKANJ
Stručna služba za poslove Općinskog vijeća

Primljeno: 09 - 11 - 2021

Org. jed.	Kl. oznaka	Proj.	Prilog

Predmet: Odgovor na Vijećničku inicijativu (Džemal Bečirhodžić – SDA), dostavlja se.

Poštovani,

Na osnovu vijećničke inicijative vijećnika Džemala Bečirhodžića dostavljamo Vam odgovor na pokrenutu vijećničku inicijativu.

JP „Grijanje“ d.o.o. Kakanj Vas ovim putem obavještava, da je pokrenuta procedura oko javne nabavke „Pružanje usluga naplate računa za zagrijavanje od krajnjih kupaca putem trećih lica“.

S poštovanjem !



Direktor
Muamer Čelebić
Muamer Čelebić, dipl.ecc.

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
ZAVOD ZA PLANIRANJE I IZGRADNJU OPĆINE KAKANJ

Broj: 01/1-~~19~~ - 3236/21

Datum: 09.11.2021. godine

OPĆINA KAKANJ
Stručna služba za poslove Općinskog vijeća

Predmet: Odgovor na vijećničko pitanje, dostavlja se.

Na 11. sjednici Općinskog vijeća održanoj 28.10. 2021.godine, vijećnik Branko Češljčić (NS) postavio je pitanje - Zašto je naglobagerima uništen drvodred u ulici Branilaca, s obzirom da stabla nisu toliko stara i kojim stablima se trebaju zamjeniti ,te dajemo sljedeći odgovor:

Drvodred je sađen prije 15-ak godina,a nakon toga vršena je i nadopuna drvoreda, zbog uništenja pojedinih sadnica, tako da je došlo do neuravnoteženja samog drvoreda i estetski lošeg izgleda.

Takođe vremenom je došlo do nepravilnog rasta korjenovog sistema, stim i dendrološki lošeg kvaliteta stabala.

Stabla će biti zamjenjena novim, sa ukrasnim sadnicama vrste Prunus cerasifera , po uzoru na već oformljeni drvodred ispred zgrade Općine.

Dostavljeno:
1 x Naslovu
1x Odjeljenje za tehničke poslove
1 x a/a



DIREKTOR

Neimarlija Zijad, dipl.ing.

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
ZAVOD ZA PLANIRANJE I IZGRADNJU OPĆINE KAKANJ

Broj: 01/1-~~19~~ - 3237/21
Datum: 09.11.2021. godine

OPĆINA KAKANJ
Stručna služba za poslove Općinskog vijeća

Predmet: Odgovor na vijećničko pitanje, dostavlja se.

Na 11. sjednici Općinskog vijeća održanoj 28.10. 2021.godine, vijećnik Eldin Mijoč (SDP) postavio je pitanje - po čijem nalogu je vršeno i koji su stvarni razlozi uništavanja (razaranja) stabala na desnoj obali rijeke Zgošće na dionici od zgrade Općine do zgrade Elektro Kakanj i šta je planirano dalje da se radi na ovoj lokaciji ,te dajemo sljedeći odgovor:

Po nalogu ovog Zavoda, J.P. "Vodokom" d.o.o. izvršio je vadenje stabala starog drvoreda koji više nije zadovoljavao ni estetsku ni dendrološku funkciju. Naime došlo je do sušenja i pucanja bočnih grana,nepravilnog razvoja krošnje, zatim nepravilnog razvoja korjenovog sistema, uzrokovanog izgradnjom trotoara u neposrednoj blizini,što je dovelo u pitanje sigurnost podzemnih i nadzemnih instalacija.

Krajnji cilj je uspostava, odnosno sadnja novog drvoreda, sa ukrasnim sadnicama manje krošnje, a sve po uzoru na već oformljeni drvored ispred zgrade Općine.

Dostavljeno:
1 x Naslovu
1x Odjeljenje za tehničke poslove
1 x a/a



DIREKTOR

Neimarlija Zijad, dipl.ing.



OPĆINA KAKANJ

Služba za privredu, urbanizam
i zaštitu okoline

Broj: 04/1- 122 /21

Datum: 05.11.2021.godine

Općinsko vijeće

PREDMET: odgovor na vijećničko pitanje

Vezano za vijećničko pitanje postavljeno na 11. Sjednici Općinskog vijeća od strane vijećnika Huskić Dževdeta koje glasi: „U kojoj je fazi izrada Nacrta izmjena i dopuna Urbanističkog plana Kakanja 2011-2026. Nacrt izmjena i dopuna Urbanističkog plana Kakanja 2011-2026. je trebao biti pripremljen u avgustu ove godine u skladu sa članom 5. Odluke o pristupanju izmjenama i dopunama Urbanističkog plana Kakanja 2011.-2026. koja je usvojena na 2. Sjednici OV od 30.12.2020 godine. Odluka je izmijenjena 30.05.2021. godine na 7. sjednici OV, ali se izmjena odnosila samo na član 2., ne i na član 5. u kojem su navedeni rokovi.

Podsjećam da je rok za izradu Nacrta bio avgust 2021. godine, javna rasprava je planirana za septembar, a Nacrt bi se trebao naći na dnevnom redu Vijeća na sjednici u novembru. Kako je jasno da se to vjerovatno neće desiti do kraja tekuće godine, molim nadležnu službu da pojasni razloge zbog kojih je došlo do kašnjenja rokova iz člana 5. Predmetne Odluke?“, dajemo sledeći odgovor:

- Shodno čl.45. Zakona o prostornom uređenju i građenju (Sl. novine Ze-do kantona broj: 1/14, 14/16) propisano je da se izrada planskog dokumenta prvenstveno povjerava Kantonalnom zavodu za urbanizam i prostorno uređenje čije su nadležnosti utvrđene Zakonom o kantonalnim ministarstvima i drugim tijelima kantonalne uprave. Odluka o pristupanju izradi izmjena i dopuna Urbanističkog plana 2011.-2026. dostavljena je u Kantonalni zavod 14.01.2021. godine. Iako smo usmeno dobili potvrdu da će se Izrada navedene planske dokumentacije pokrenuti, ista nije pokrenuta zbog obaveza Zavoda prema drugim općinama i nedostatka stručnog osoblja koje bi pokrilo te poslove. Još nemamo relevantne podatke kada će nas uvrstiti u izradu.

Ovom prilikom vas obavještavamo da je u isto vrijeme donesena Odluka o pristupanju izradi izmjena i dopuna Prostornog plana Kakanja 2010.-2030. (Sl. novine Općine Kakanj broj 1/21), te da je za izradu potpisan Protokol o izradi sa Kantonalnim zavodom u julu 2021. godine na osnovu Zaključka Vlade Ze-do kantona broj: 02-23-9504/13 od 18.04.2021. godine, tako da se očekuje razmatranje Prostornog plana u toku ove godine.

S poštovanjem!

POMOĆNIK OPĆINSKOG NAČELNIKA



Mirza Fazlić



OPĆINA KAKANJ

Služba za privredu, urbanizam
i zaštitu okoline

Broj: 04/1-1277 /21

Datum: 10.11.2021. godine.

MUNICIPALITY OF KAKANJ

Department of Economy, Urban Land-Use
Planning and Environment

Općinsko vijeće
Predsjedavajući Općinskog vijeća

Predmet: Odgovor na pokrenutu vijećničku inicijativu, dostavlja se

Poštovani,

Služba za privredu, urbanizam i zaštitu okoline Općine Kakanj zaprimila je vijećničku inicijativu vijećnice Behije Kulović (NS) koja glasi „Za odvoz smeća iz dvorišta područne Osnovne škole „15 april“ u naselju Termoelektrana. Iako je prošlo nekoliko smjeseci od zamjene krovnog pokrova na zgradi škole, velika količina smeća i otpada je ostala u školskom dvorištu. Značajan dio tog otpada odnosi se na ostatke azbestnih, salonitnih ploča kojima je školska zgrada bila pokrivena. Po zdravlje učenika, uposlenika škole kao i mještana tog područja posebno je opasna nadražujuća, kancerogena prašina koja se isijava i izliva iz polomljenih ostataka azbestnih ploča, te je neophodno u što kraćem roku ukloniti predmetni otpad.“

Stoga, putem akta (gore navedenoga broja i datuma) obaviještavamo Vas da Općina Kakanj nije finasirala predmetne radove. Smatramo da je obaveza izvođača radova bila da to ukloni te sugerišemo da se inicijativa proslijedi ugovornim organima za predmetni posao, te analiziraju Ugovori da li je odvoz predmetnog otpada bila nečija obaveza.

S poštovanjem,

E/H

Dostaviti :

1x Imenovi
1x Predmet
1x a/a





OPĆINA KAKANJ

*Služba za društvene djelatnosti, boračka
pitanja, raseljena lica, izbjeglice i povratnike*

Broj: 07/1-04-1989 /21
Kakanj, 10.11.2021. godine

MUNICIPALITY OF KAKANJ

*Department of Social Affairs, War-Veterans,
Displaced Persons, Refugees, and Returnees*

**STRUČNA SLUŽBA ZA POSLOVE
OPĆINSKOG VIJEĆA
-OVDJE-**

PREDMET: Odgovor na vijećničku inicijativu, dostavlja se

Veza: Akt, broj 01/1-11-411-1/21 od 28.10.2021.godine

Poštovani,

U vezi sa vijećničkom inicijativom koju je na 10. sjednici Općinskog vijeća pokrenuo vijećnik Branko Češljić (NS), a koja se odnosi na izradu strategije zapošljavanja i prekvalifikacije mladih na području općine, dostavljamo sljedeći odgovor:

Zakonom o razvojnom planiranju i upravljanju razvojem u Federaciji BiH („Službene novine FBiH“, broj: 32/17) uređuju se ciljevi i principi razvojnog planiranja i upravljanja razvojem Federacije BiH, kantona i jedinica lokalne samouprave, vrste strateških dokumenata, vrste dokumenata neophodnih u postupku implementacije strateških dokumenata, tijela odgovorna za razvojno planiranje i upravljanje razvojem, proces razvojnog planiranja i upravljanja razvojem u Federaciji, programiranje, monitoring, evaluacija i izvještavanje o implementaciji strateških dokumenata, finansiranje implementacije strateških dokumenata i nadzor nad primjenom ovog zakona.


Član 15. navedenog Zakona propisuje vrste strateških dokumenata u Federaciji BiH, odnosno planiranje razvoja u Federaciji BiH zasniva se na sljedećim uzajamno usaglašenim strateškim dokumentima: Strategiji razvoja Federacije, sektorskim strategijama Federacije, strategijama razvoja kantona, sektorskim strategijama kantona i strategijama razvoja jedinica lokalne samouprave. Također, Uredba o izradi strateških dokumenata u Federaciji BiH („Službene novine Federacije BiH“, broj: 74/19 i 2/21) propisuje izradu i donošenje sljedećih strateških dokumenata: Strategija razvoja Federacije, sektorske strategije Federacije, strategije razvoja kantona, sektorske strategije kantona i strategije razvoja jedinica lokalne samouprave.

U skladu sa članom 3. stav (1) tačka s) pomenutog Zakona, sektorska strategija je strateški dokument nadležnih institucija Federacije i kantona koji definira javne politike, pravce, ciljeve i resurse razvoja sektora i proizlazi iz integrisane strategije razvoja.

Navedeni propisi ne poznaju pojam sektorskih strategija jedinice lokalne samouprave (što bi predstavljala i Strategija zapošljavanja i prekvalifikacije mladih na području općine Kakanj), odnosno ne poznaju sektorske strategije jedinice lokalne samouprave kao vrste strateških dokumenata. Izrada i donošenje sektorskih strategija razvoja je u nadležnosti Federacije BiH i kantona.

S poštovanjem,

Dostaviti:
1 x naslovu
1 x a/a



POMOĆNIK OPĆINSKOG NAČELNIKA


Rešad Zaimović

Tvornica cementa Kakanj d.d. Kakanj

Selima ef. Merdanovića 146
72240 Kakanj
Bosna i Hercegovina
Telefon +387 32 557-500
Fax +387 32 557-600

Bosna i Hercegovina
Federacija Bosne i Hercegovine
Općina Kakanj – OPĆINSKO VIJEĆE
n/r g-din Slaven Katičić, predsjedavajući OV
Ulica Branilaca
72 240 Kakanj

Datum: 08.11.2021.
Broj: 01-00.00-21388/21

Predmet Odgovor na vijećničko pitanje (Vaš dopis br. 01/1-11-376/21 od 28.10.2021.)

Poštovani,

U nastavku Vam dajemo odgovor na vijećničko pitanje:

„Koji je sastav alternativnih goriva koja se koriste u proizvodnom procesu Tvornice cementa Kakanj i postoji li relevantno mjerenje zagađenja zraka u krugu tvornice tokom upotrebe RDF-a“?

Tvornica cementa Kakanj d.d. u svome proizvodnom procesu koristi uglj, kao osnovno gorivo, te rabljene automobilske gume i SRF (Soild Recovered Fuel), kao dio zamjenskog goriva.

Do sada dostignuti omjer zamjenskih goriva prema fosilnim gorivima (uglju) je 10% : 90%, čime smo uspjeli smanjiti specifične emisije CO₂ po jedinici proizvoda (izražene u kg CO₂/t klinkera) za cca 5%. U skladu sa UN - ovom agendom 2030 odnosno Ciljevima Održivog Razvoja 2030 i grupacijskom strategijom nazvanom „HC Sustainability Commitments 2030“, odnosno Obavezama održivog razvoja do 2030, naša obaveza je da do 2030. godine smanjimo emisije CO₂ za 30% u odnosu na 1990. godinu.

SRF je u suštini najkvalitetniji derivat RDF-a (Refuse Derived Fuel) sa strogo propisanim kvalitetom koji podrazumijeva precizno definisan hemijski sastav, kaloričnu vrijednost, granulaciju i sadržaj vlage.

U skladu sa Zakonom o zaštiti zraka (Sl. Novine F BiH br. 33/03 i 4/10), Pravilnikom o monitoringu emisija zagađujućih materija u zrak (Sl. Novine F BiH br. 9/14 i 97/17), te našom Okolinskom dozvolom, dužni smo posjedovati kontinuirani automatski monitoring emisija u zrak, te provoditi (najmanje jednom godišnje) periodični monitoring od strane ovlaštene i akreditovane eksterne laboratorije.

Tvornica cementa posjeduje Automatski Monitoring Sistem (AMS), koji kontinuirano mjeri emisije svih polutanata u zrak (Prašina, NO, NO₂, NO_x, SO₂, NH₃, HCl, HF, TOC, CO, CO₂), kao i sve relevantne parametre dimnih plinova (protok, temperaturu, brzinu, pritisak, vlažnost, sadržaj kisika...



Tvornica cementa Kakanj d.d. Kakanj
Selima ef. Merdanovića 146
72240 Kakanj
Bosna i Hercegovina
Telefon: +387 32 557-500
Fax: +387 32 557-600
557-602 (prodaja), 557-601 (finansije)
E-mail: kakanjcement@heidelbergcement.com
www.kakanjcement.ba

Broj rješenja:
U/I-2507/00 Kantonalni Sud u Zenici
Identifikacioni broj:
4218003250008
PDV broj:
218003250008
Poreski broj:
05280019

Bankovni računi:
Raiffeisen Bank d.d. BiH
Filijala Kakanj
Devizni račun
RN br. 1610000001650078
RN br. 1610650000140095
RN br. 502012000-01616
(S.W.I.F.T. RZBABA2S)
RN br. 134020000018157
IKB DD Zenica - Filijala Kakanj
HVB Central Profit banka d.d. Sarajevo
Poslovnica Kakanj
RN br. 1293081001652019
Unicredit Zagrebačka banka d.d.
RN br. 3385902202113080

Ovaj sistem (AMS) se redovno održava, servisira i kalibrira (QAL-2, AST,...) kod ovlaštenih institucija, o čemu postoji uredna dokumentacija.

Sve navedene i izmjerene emisije u zrak za nekoliko desetina do nekoliko stotina puta su manje od Zakonski dozvoljenih graničnih vrijednosti (što je također zabilježeno u elektronskoj arhivi AMS-a).

Isti podaci se dobiju i prilikom mjerenja od strane ovlaštene eksterne laboratorije. Što je sasvim normalno i očekivano, obzirom na veoma visoku temperaturu sagorijevanja (preko 1450 °C).

Spaljivanje guma, kao i ostalih vrsta otpada (RDF, SRF, rabljena ulja, plastika i sve vrste otpada koje ne sadrže hlor) na visokim temperaturama (preko 1450 °C) je zakonski dozvoljeno i nije štetno po okoliš. Naprotiv, korištenjem alternativnih goriva, emisije stakleničkih plinova se smanjuju u omjeru 1:2. Naprimjer, Cementare koje koriste 30% alternativnih goriva, imaju za 15% manje emisije CO₂. Osim stakleničkih plinova smanjuju se i emisije NO_x, jer sagorijevanje fosilnih goriva na visokim temperaturama proizvodi tzv. termalni NO_x. Zamjenom uglja zamjenskim gorivima, smanjuje se i emisija svih oksida azota označenih kao NO_x.

Otvorena i fer saradnja sa lokalnom zajednicom, jedan je od naših ciljeva i obaveza održivog razvoja. U tom smislu, kao društveno odgovorna kompanija, pozivamo sve zainteresirane predstavnike lokalne vlasti (vijećnike i sve ostale), da posjete Tvornicu cementa i da se na licu mjesta, u otvorenom i direktnom dijalogu, direktnim uvidom u svu relevantnu dokumentaciju, uvjere u sve navode iz ovog dopisa.

Kontakt osoba je ujedno i potpisnik ovog dopisa.

S poštovanjem

Almir Bajtarević, dipl.ing.maš.

Menadžer za Kvalitet i Ekologiju

The image shows a circular official stamp of the company, with text around the perimeter including 'Tvornica cementa' and 'Dobrička d.o.o.'. Next to the stamp is a handwritten signature in black ink.

Dostavljeno:

- Naslovu,
- a/a



OPĆINA KAKANJ
Služba za privredu, urbanizam
i zaštitu okoline

MUNICIPALITY OF KAKANJ
Department of Economy, Urban Land-Use
Planning and Environment

Broj: 04/1- 1285 /21

Datum: 14.09.2021. godine

Stručna služba za poslove Općinskog vijeća

Vaša veza: 01/1-9-308/21 od 22.07.2021. godine

-ovdje-

Predmet: Odgovor na vijećničko pitanje, vijećnice Behije Kulović (NS)

Stručna služba za poslove Općinskog vijeća Općine Kakanj je dana 13.09.2021. godine dostavila Službi za privredu, urbanizam i zaštitu okoline postavljeno Vijećničko pitanje vijećnice Behije Kulović (NS), (Vaša veza), koje glasi:

„Šta se dogodilo sa prijedlogom za zaštitu prašume Trstionica?

Još 2014. godine Centar za ekologiju i prirodne resurse Prirodno –matematičkog fakulteta Univerziteta u Sarajevu uradio je studiju „Valorizacija prirodnog prašumskog područja i dao prijedlog da se trajno zaštititi ovo prašumsko područje. Nakon što su upoznati sa rezultatima studije, predstavi Općine Kakanj su obećali da će od Zeničko-dobojskog kantona zatražiti proglašenje zaštićenog područja. Da li je ikad usvojena zakonom propisana saglasnost Općinskog vijeća i šta je sa tim prijedlogom?“.

Općina Kakanj je još davne 2007. godine Ministarstvu za prostorno uređenje, promet i komunikacije i zaštitu okoline, kao jedinom nadležnom za zaštitu prirode shodno Zakonu o zaštiti prirode i Ustavu FBiH i to ne samo pomenutog u vašem Vijećničkom pitanju području već i za područje GJ „Busovača „ lokalitet Hum, prašumski rezervat u šumama bukve na površini od 20 hektara uputila Zahtjev za pokretanje prijedloga za proglašenje zaštićenog pejzaža. Na ovoj zahtjev i kasnije upućene urgancije nadležno ministarstvo se nikada nije oglasilo.

Prilog:

Zahtjev za pokretanje prijedloga za proglašenje zaštićenog pejzaža, broj: 0-02/177/06 od 23.01.2007. godine

SB

Dostaviti :

2x Imenovani
1x Predmet
1x a/a

Pomoćnik načelnika

Fazlić Mirza

25/1-3/02

**BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA KAKANJ
OPĆINSKI NAČELNIK**

Broj: 0-07/1-77/06
Datum: 23.01.2007. godine

**Ministarstvo za prostorno uređenje, promet
i komunikacije i zaštitu okoline
ZENICA**

Predmet: Zahtjev za pokretanje prijedloga za proglašenje
zaštićenog pejzaža, traži se

Na području općine Kakanj postoje područja obrasla šumom koja zahtjevaju poseban tretman i zaštitu. U skladu sa članom 30. Zakona o zaštiti prirode (Sl.nov. FBiH broj 33/03) prijedlog za proglašenje zaštićenog pejzaža i spomenika prirode daju kantonalna ministarstva. Iz tog razloga, obraćamo Vam se sa Zahtjevom da razmotrite ovu našu inicijativu jer svaki ignorantski stav prema prirodi, uništavanjem iste nam se vraća kao "bumerang".

Na području Gornja Tršionica-Bukovica (oznaka šum., odjel 52g.j.) postoji prašumski rezervat šuma jele, smrče i bukve, površine 30,5 hektara. Mišljenja smo, da bi upravljanje tim rezervatom trebalo biti zakonski regulisano u cilju zaštite istog. Zaštićena područja tipa prašumskih rezervata imaju neprocjenjivu vrijednost u zaštiti biodiverziteta, a u obrazovanju i nauci za uporedno praćenje promjena u gospodarskoj šumi i modeliranju sistema održivog upravljanja šumama i okolinom, uopšte.

Takođe, na području općine Kakanj postoji prašumski rezervat u šumama bukve na površini 20 hektara (šum.oz. odjel 24 g.j. "Busovača" lokalitet Hum). Zatim, od ranije postoji sjemenska sastojina bukve, naše najvažnije vrste drveća, na površini 24,4 ha (odjel 18 g.j. " Donja Ribnica ").

Molimo Vas da razmotrite mogućnost zaštite navedenih područja i izvjestite nas o poduzetim aktivnostima. Način finansiranja aktivnosti na pokretanju ovih aktivnosti je iz Fonda za zaštitu okoline, što je i u skladu sa propisima podjele ovih namjenskih sredstava, dijela koji ostaje u Kantonu neraspoređen.

S poštovanjem!

Dostaviti:

1. Rukovodilac Službe
2. Stručni saradnik
3. a/a



NAČELNIK OPĆINE KAKANJ

/Mensur Jašarspahić-Suri/



OPĆINA KAKANJ
Služba za privredu, urbanizam
i zaštitu okoline

MUNICIPALITY OF KAKANJ
Department of Economy, Urban Land-Use
Planning and Environment

Broj: 04/1- 1286 /21

Datum: 13.10.2021. godine

Stručna služba za poslove Općinskog vijeća

Vaša veza: 01/1-10-351-1/21 od 23.09.2021. godine

-ovdje-

Predmet: Odgovor na vijećničku inicijativu, vijećnika Dževdeta Huskić (NS)

Stručna služba za poslove Općinskog vijeća Općine Kakanj je dostavila Službi za privredu, urbanizam i zaštitu okoline vijećničku inicijativu vijećnika Dževdeta Huskić (NS), koja glasi:

„Za čišćenje, krčenje i odvoz smeća sa poligona i tribina iza OŠ „Hamdija Kreševljaković“, a nakon toga iste u saradnji sa Ministarstvom obrazovanja, nauke, kulturu i sporta ZDK sanirati i urediti. U vrijeme dok gradimo nova igrališta i sportske terene na prostoru općine Kakanj, poligon, sportski teren i tribine iza OŠ „Hamdija Kreševljaković“ su zapušteni, neupotrebljivi i ne služe u svrhu za koju su izgrađeni.

Tražim da u skladu a članom 8. Zakona o principima lokalne samouprave, prvi dio sanacije (čišćenje, krčenje i odvoz smeća), Općina preko nadležnih službi i JP „Vodokom“ hitno preuzmu na sebe.

Za inicijativu nisu potrebna velika sredstva i ovo je opravdana prilika da se posegne za malim sredstvima iz tekuće budžetske rezerve, a zatim u saradnji sa nadležnim Ministarstvom osmisliti i provesti plan finansiranja, rekonstrukcije i uređenja ove površine.“

Odgovor:

Ministarstvo obrazovanja, nauke, kulture i sporta ZDK zajedno sa organima škole (direktor i vijeća) upravljaju školskom imovinom, te shodno tome i sportskim poligonom i dvorištem. Općina Kakanj će se svim raspoloživim resursima odazvati akcijama koje nadležni organi škole i ministarstvo organizuju, u cilju poboljšanja ambijenta školskoj djeci.

S poštovanjem,

SB

Dostaviti :

2x Imenovani
1x Predmet
1x a/a

Pomoćnik načelnika

Fazlić Mirza